

北海银滩雅兴

林宝光

胜地南方“北戴河”， 沙平浪软惠风和。
嬉潮信步三春水， 恋海骋怀千里波。
日见珠池呈瑞采， 时闻绿浦送渔歌。
扬清去浊开心境， 自得银滩意趣多。

侨港镇“柳铁浴场”

林宝光

多姿榭阁夕阳潮， 五彩茶楼引画桥。
客兴沙滨舒晚浴， 沧波碧海任逍遥。

梦游涠洲

庞为厚

一觉茫茫梦里游， 波迎风送过涠洲。
渔人张网千帆笑， 海宇无穷一望收。

北 海 情

击节高歌北海情， 人勤智勇更忠贞。
胸怀日月昭寰宇， 志气凌云揽太清。
法制严宽惩腐恶， 工商发达树文明。
家家喜庆丰收岁， 煮蟹烹虾款客诚。

贺北海首届珍珠节

郑维明

十亿神州气象新， 民安国泰脱穷贫。
羊年节届金秋候， 合浦珠还北海滨。
生产双番欢稔岁， 坝麓并奏喜连襟，
孟尝高洁传千古， 乐极今朝盛世人。

北海新港

郑云

地角天涯路途平， 友谊港湾新驿亭。
仓满西南珠与宝， 朦朧舳舻万艘行。

华侨新村

难侨新港住琼楼， 女巧男工愿有酬。
祖国深情深似海， 婵娟相与辩恩仇。

珠还合浦

郑华卿

珠还合浦颂千秋， 美政孟尝德泽留。
理想还须歌现代， 南珠万两乐丰收。

访还珠亭遗址

周仪荣

东山园内草离离， 追忆高风动所思。
合浦还珠今已矣， 夕阳影里倦鹰飞。

视察合浦水库及养珠场赋赠

青山绿水尽开颜， 袅袅东风卷嫩寒。
喜见家乡面貌改， 群歌合浦有珠还。

舟中三首

周民生

一帆过处看潮生， 水国深秋赏晚晴。
最是群鸥知客倦， 绕航声脆载歌迎。
醉别环沙半海城， 倚舱遥看月轮升。
多情只有三廉月， 普照寒江彻夜明。
天然北海尽风情， 水淼烟青一色平。
信是珠神还合浦， 深湾巨港满洲星。

北海市赞

周贤鉴

北海观光几到频， 一番景异一番新。
地灵市盛能“双引”，人杰才高建“两文”。
环境优美招远客， 前途无限唤胞亲。
十年规划纾筹策， 世界沟通一要津。

北海三题

周文澜

一、参观深水港

深港依临北海滨， 水深风静浪涛轻。
巨轮泊位万吨级， 来往通航遍四瀛。

二、看北海广场羣塑

广场中塑大珍珠， 万丈光芒照海隅。
雕刻“还珠”嵌四面， 精灵活现美人鱼。

三、水产展览馆

巨鲸静贝共洪洋， 弱者受欺凶者狂。
虽说馆中天地小， 自然生态岂寻常。

悼田汉同志

周家干

1961年与高风同志合编历史剧《合浦珠还》，叨蒙田汉先辈指导，教益殊深。1968年12月10日，田汉同志惨遭林彪“四人帮”迫害致死，千古奇冤、中外罕闻。聊赋诗词，以托悲恨。

七 律

如磐风雨忆当年，瓦釜雷鸣众苦悲。
未忍苍生皆丧乱，不堪壮士亦凌迟。
谢瑶环剧摧奸胆，义勇军歌举红旗。
田老忠魂昭日月，文章道德万世师。

听抗美宣传忆旧

罗立斌

少时旅迹徒追访，换了人间尽故乡。
北海街头陈至理，南湾镇上斥强梁。
援邻大义无他顾，抗日高歌尚激扬。
纸虎西东同厄运，河山守望共兴亡。

北海数旧游

五十余秋数旧游，沧桑世纪几沉浮。
抗倭义结宣传队，援越初登议事楼。
新厦参差移蛋户，井台错落涌轻油。
南珠灿烂魁非亚，北海门开揖美欧。

合浦东坡亭

儋州遇赦悔行迟，“万里瞻天”喜赋诗。
两月廉州遗手泽，身留海角误归期。

汉 武 雄 风

罗玉松

汉武声威播远方， 丝绸之路辟南洋。
有无互市均沾益， 夷夏千年友谊长。

孟 尝 遗 泽

珠还合浦复辉光， 惠泽今犹说孟尝。
为政爱民天职在， 居官作事费思量。

忆江南·怀北海

罗裕昆

北海好，毓秀喜钟灵。拾贝沙滩珠出土，泛舟浪里激心情，最喜是波平。

南 游 北 海

罗锦荣

点滴寒山水， 南流向本家。
弄潮临海角， 逐浪到天涯。
汨汨千程路， 茫茫万顷沙。
锦鳞浑不谢， 长此富中华。

北 海 抒 情

胡剑豪

沧波皓月发幽情， 何处鲛人泣有声。
浊浪几番珠去后， 廉风再度蚌回生。
苍茫时见桅幡动， 错落常闻汽笛鸣。
最喜衣冠来万国， 国门长启利繁兴。

珠 城 纪 怀

赵荣

城北城南两古榕， 迎风斗雨各称雄。
珠城遗迹凭谁认？ 犹幸明砖夹树缝。

北 海 游

范扬成

年过古稀结伴游， 海天一色眼前收。
乘风破浪游地角， 合浦明珠瑞永留。

北 海 咏

范沛生

海市蜃楼何处来？ 惊呼地角变楼台。
冠头岭畔千帆过， 指顾之间新港开。
南国明珠播宇寰， 群魔曾玷黯无颜。
骄阳直照容光发， 益信今朝珠又还。
荒原此日献红花， 银翼腾空举世哗。
一脉相通连万国， 天涯地角路非遐。

访 北 海 市

唐健

南天一色耀彤云， 北海新型面貌新。
最是热情招待处， 心情激荡感铭深。

北 海 吟

唐甲元

百年国耻耻“烟台”，发愤雄心次第开。
今日果然奇辱雪， 更欣港澳快珠回。

颂 北 海

——献给北海市首届珍珠节

孟尝惠政德无疆， “合浦珠还”自古香。
海角东坡亭缅旧， 滩头“北戴”夏生凉。
曾为熙攘丝绸路， 素誉丰饶鱼米乡。
更自三中开放后， 明珠一颗耀南洋。

沁园春·珍珠

徐选色

河水精华，大海盐砂。贝肚含孵，谙繁养技艺。收成累累，医门入药，润补肌肤，首饰妆奁，项圈挂练，争艳求华少奶姑。稀珍品，若纵深开发，效益殊途。

晶莹洁白圆腴，引不少奢徒垂涎濡。古皇亲国戚，强征揽贡，贪官污吏，暴敛侵图。商埠渔场，霸王豪绅，搜刮民脂膏肉枯。新朝代，行维公廉政，合浦还珠。

北 海 今 昔

徐达

萍踪北海八年前， 清静街衢别有天。
今日飞机兼巨舰。 一城遥与万邦连。

蚌 有 明 珠

温饱曾萦百姓怀， 今朝万蚌献珠胎。
想因盛世崇廉洁， 赢得珠还合浦来。

侨 村 忆 旧

海边拾贝海风轻， 碧海遥天一色明。
记得渔民最兴旺， 侨村虾蟹正丰盈。

北海开放七周年

梁德邻

沧桑巨变七年中， 改革花开遍地红。
金马扬蹄跨世纪， 银鹰展翅击长空。
广场塑像徵珠魄， 海岸堤防起骊宫。
八五宏图前景壮， 台阶更跃立新功。

北海行

梁传文

驱车访问动心旌， 直向南天北海行。
皓首骚人欢聚首， 多情秋水畅怡情。
取经求宝同仁乐， 引玉抛砖挚友诚。
尽属风流娱晚景， 参观乐极慰平生。

赞北海

梁金旺

远望西南见涠洲， 疑似金鳌水上游。
海啸台风无所惧， 一洲万古砥中流。

小重山·北海侨港镇

梁光煊

被逐归来营海洼，堂堂黄帝裔、岂无家？内湾欣赏集渔槎，层楼列、置厂制鱼虾。

新镇映朝霞。老人门际坐、弄孙娃。同声不禁赞中华，时代好，兴盛势堪夸。

北海新貌

北部湾头起迅雷， 群楼复道共争魁。
山平水退终成港， 外引内联何用媒。
数省相将来锦地， 三年巧速改荒陲。
心驰指日飞升乐， 烈马追风振海隈。

廉泉歌

黄家蕃

合浦有廉泉，其源洁且泽。孟尝致珠还，费贻惠周恤。山川灵秀钟，德政致之发。厥后二千年，泉水间变质。清甘固有时，涩浊非无日。窟宅通珠池，珠源有丰竭。珠竭泉乃腐；珠丰泉以冽。泉腐民窘饥，廉名随之失；泉冽兆祯祥，货财物富室。有明十六朝，泉渗民膏汁，貂珥衔命来，豺虎肆虐烈。暴敛复横征，诛求穷到骨。悉破中人产，百家无存十。申讼泪盈庭，和泪泉为热。清覆民国兴，泉源竟为绝。边民苦未捐，泉多血泪溢。一从奋起农奴戟，旋转乾坤换节律。名泉题碣久湮埋，拂拭重树名差实。巷陌为兴五袴歌，辘轳声接千家汲。美俗还期出此泉，遗金道路无人拾。

踏莎行·村访

黄家蕃

改革开放前工作在农村，躬亲闻见，枵触有咏。今故地重访，大异曩昔，复用前韵，聊志新臆。

野径频来，茅檐旧宿，候关黄犬原相熟。麦秋时节少闲人，关心预问收成卜？
缕葛垂棉，清浆薄粥。“如何岁岁犹曩夙？”怕听此语黯难言，寒虫夜雨烦心曲。

大道通村，难寻往宿，沧桑人事非谙熟。茅簷不见见崇楼，眼前突兀超期卜。
精脍摒蔬，樽啤代粥。田园帑富何殊夙？短裙村女逐时流，“卡拉OK”追新曲。

合浦红树林奇观题照

海中不信有林丛， 碧透青深水更浓。
清境人间何处是？ 轻舟如入水晶宫。

游北海银滩

黄家裕

游别银滩岁月多， 昔年面目半消磨。
白沙百里眺帆阁， 笑迓秋风伴晚波。
一轮落日半滩红， 多少归帆夕照中。
唱晚渔歌幽客醉， 海鸥无语舞秋风。

咏 蜂

穿梭花海为谁忙？ 不是花枝呈艳装。
甜到心头人世乐， 一生辛苦又何妨！

咏 梅

漫天飞雪一枝开， 春色轻轻舞步来，
仰首悬崖花早俏， 何须赖手满园栽。

念奴娇·冠头岭远眺

黄福祺

冠头巅顶，登高处、一览滨城风物。四十年间，惊巨变、大厦争崇竞崛。铁鸟翔空，洋轮泊岸，环宇航程捷，西南门户，招来多少人杰。

伟矣八五鸿猷，翻番须奋搏，长虹贯月、钦北间、钢轨长龙将设。荒徼穷滩，今成金海岸、穷通难说。高瞻远瞩，珠池瑞采腾越。

台胞情（自度曲）

漫漫岁月，离愁未了，心事谁知晓？暮云春树盼归期，一梦家山泪眼自迷离。
江山依旧千里绿，飘絮浮萍在江曲。物换星移复年年，春晖此日何幸省故园。

永安大士阁

温剑泉

巍峨古阁夺天工， 双风朝阳傲碧空。
历劫千秋梁栋固， 海天风物警惊鸿。

浣溪沙·敬贺北海市珍珠节

曾邦宁

节号珍珠盛况开，孟尝革弊宝重来，光圆颗颗上瑶台，
雪亮晶莹辉海市，夜月闪烁映天街，丰收赢得万家财。

初访北海

曾敏之

北部湾前见市容， 长街十里气如虹。
蓬莱入画崇楼起， 已建开疆第一功。

合 浦

谢云

荒祠沉墓自逶迤， 文物千年韵未移。
此是还珠遗爱池， 长亭短驿梦依依。

谒东坡亭

一瓣心香焚墨馨， 天涯浪迹咽诗声。
珠光梦里照前路， 叩首东坡南浦亭。

参观北海市

蒋少芳

北海波涛泛巨澜， 因风掀起万重山。
畅怀今日风光丽， 情意雄观惬意还。

题合浦东坡亭

蒋海池

画印诗书迥出群， 坡公遗韵孰堪伦。
珠乡北海何多幸， 史迹长留第一人。

贺北海市首届珍珠节

北海珠滨玉露鲜， 繁荣昌盛史无前。
更添雅士骚人赞， 共仰中枢党政贤。

南 珠 颂

——庆祝北海首届珍珠节

彭福同

夜光璀璨世奇珍， 合浦还珠仰哲人。
海晏河清增异彩， 珠乡景包焕然新。
天生丽质号南珠， 倾国风姿冠五湖。
盛会迎来天下客， 丝绸路阔展宏图。

北海南珠

蒙谷

南珠光耀古珠津， 稀世奇珍玉兔魂。
上贡当年千户泪， 承包今日方家春。
产销创汇居前列， 科技投资启富门。
深化还珠新意识， 丝绸之路更欢腾。

北 海 赞

蒙光朝

高楼林立晓云烟，街树婆娑避暑天。
白虎游场牵客意，珍珠塑象惹人缠。
改革日日添新果，开放时时谱新篇。
北海风光如此美，下凡三姐悔成仙。

合浦海角亭

詹南生

谪居琼岛历艰辛，遇赦回归过浦城。
万里瞻天留翰墨，千秋黎庶仰贤臣。

北 海 吟

雷统光

闻名遐迩耀神州，新港繁华眼底收。
广厦万间连海市，巨舫千艘对蜃楼。
虎头浪静沙滩闹，涠岛风平岩洞幽。
南北经商便捷地，五洲宾客竞来游。

声声慢·今昔珠话

蔡起超

年年月月，暮暮朝朝，悲悲惨惨切切。浩淼银波珠杏，海天伤别。鲛人泪尽泣血，怎敌他，吏贪官劣。捣玉宇，盼仙娥，散落广寒罪屑。

首届珍珠佳节，逢盛世，齐歌党风廉洁。合浦珠还，万点晓星皎洁。民康更兼物阜，看珠场，硕果累结。兆国泰、颂一曲华夏俊杰。

北海珍珠节寄怀

蔡长耕

当年考古一天游，往事萦怀卅二秋。
下榻海滨如旧雨，受羁地角似新囚。
溯源千载寻珠史，荒碛万年觅贝丘。
圆润晶莹凝血泪，袂今光熠熠环球。

北海防浪大堤建成

谭雄

百尺潮头浪接天，人为鱼鳖倍凄然。
千村家庆金瓯固，十里堤成瓮铁坚。
新陆奇生边土拓，归船晚泊棹歌传。
还珠遗爱今还在，遍植棠梨纪宰贤。

为北海作贡献之老一代

谭立予

注定生为北海人，辛勤奉献舍吾身。
青丝今日成华发，换得滨城颜色新。

北部湾路街景

滨城无处不开花，绿叶青枝映晓霞。
十里长街荫满路，是谁挥笔绘新华。